



國家清史編纂委員會・文獻叢刊

清代詩文集彙編

國家清史編纂委員會・文獻叢刊

清代詩文集彙編

《清代詩文集彙編》編纂委員會 編

上海古籍出版社

清代詩文集彙編 四六七

祇可軒刪餘稿二卷 管學洛 撰

一

遺經樓文稿一卷 陳履和 撰

一九

逃禪閣集八卷 張 崧 撰

二五

存悔齋集二十八卷存悔齋外集四卷 劉鳳誥 撰

一二七

樂清軒詩鈔二十卷附樂樂草一卷樂清軒外編十四卷 鄭祖芳 撰

四三九

祗可軒詩稿

新安吳楚乾

序

乾隆戊申至乙卯凡八年余奉太夫人命受業於武進晉韞山先生先生始官戶曹值

機旋授侍御自卯至申恒不得在邸第而從游者日益眾一時江左右英特之士半出管氏之門每課一文先生甲乙之次稍後輒端楷焉受責是懼故當時京師有管氏家塾角藝如接仗之語先生有子字道明尤健於文或所構不稱先生意輒篝鐙復爲之竟夜不就寢必得當而後已每廷試試差先生恒以道明故辭不與然諸同學擢高科去者先後無慮數十輩獨道明終不獲一舉京兆道明精力過人讀書屬文之暇又能練習簿書其父執及鄉前輩惜其才久

祗可軒詩序

不試於用爲驥賞以知州注選其時先生已歸道山矣道明以他途進既悒悒懼不稱先志又次後不能即除里居杜門始并力爲詩以抒其菀結慨懷人感遇之意蓋自諸同學治任嚮哭之後而道明詩日益工余從戶曹改官翰林旋爲盛京侍郎與道明相去愈遠而書疏往復無間已而道明以中歲不祿道明之子繩萊健於文奮於遇復與道明同惟繩萊亦入贊爲縣令今官含山循聲大起此爲差勝耳余自江西移撫粵東繩萊走一介之使以道明遺詩刊本見寄並索弁言嗚呼吾何忍序吾道明之詩乎然不特十餘年夢影展卷如昨凡先太夫人爲余擇師之苦心與先師之所以爲教諸同學切磋砥礪之益因讀道明詩一一如在目睫而余且

垂垂老矣人生幾何聚散若此能無悲乎聊述舊事以報
繩萊繩萊益勉之家學不可一日忘也道光七年七月成格
序

祇可軒詩序

候選知州管君家傳

同里趙懷玉撰

君管氏諱學洛字道明世爲武進人七世祖紹寧明禮部侍郎與三子鉉鍵鏞同殉勝國之難旁孫滋琪匿外家楊氏得生是爲鉉子娶於楊生子六以少子綸爲楊後復本姓歷官刑部郎中君之高祖也曾祖復高廣東歸靖場鹽課大使祖基承國子監生贈朝議大夫考世銘廣西道監察御史母張蔡人君旁育於張九歲受經於大父卽異凡童侍御君觀政戶曹迎其親就祿朝議君倦於遠出命君侍大母與母北行侍御以文章名海內雖入官從遊者衆或假館受業每與同學角藝必研精覃思有所以勝之而後已旣而侍御入直機庭使車四出未暇內顧君處分家事不廢誦讀然憂因場

家傳

屋僂得復失侍御先後奉諱歸眷屬留京師料量薪水酬應賓客皆井井及張蔡人歿君方旋里而侍御卒於官君旣卜宅兆念家無一椽卽歸無以栖止於是別營室宇一月而兩事並舉然後入都扶護南下以父母之沒歲皆在午遂號午思以致終身之慕焉初侍御存時同人以君久不第皆飲之俾入貲爲知州迨免喪念先志未酬再應鄉試終見擯前後蓋十一試矣又以新例疊開舊例貲員滯不能選里居者垂十年凡侍御著錄皆梓以行世旣聞選期近遂僦裝北行行六日驟以歐血疾卒於清江舟次時嘉慶十四年八月八日也春秋四十九君敏而好學有幹局能爲人任事然鋒穎太露人恒忌之爲詩多所寄託得王文誥諫之意尤工於詞君

處境雖順而科名仕宦未得一當遂遭舊萃自傷故年甫四旬髮須盡白一病不起良以此歎予嘗以詩哭之曰君本入官嗣送死世皆欲殺獨憐才又曰頗嫌處事機鋒銳卻喜承家編纂勤蓋紀實也娶同里董氏肅州知州熙女子一繩萃國子監生女二壻曰許復昌劉延和論曰予交管氏三世矣未弱冠卽與侍御君有撫塵之好久而益密侍御晚遇既登臺閣將有所展舒忽忽謝世君又未竟前人之緒傷已今君之子聰穎特達風氣日上知名之士多與之遊意蓄之極者其獲報更大耶

家傳

先府君行狀

府君管氏諱學洛字道明號午思先世居鳳陽宋南渡時始祖千十五公安撫常州愛其風俗淳厚遂卜居世爲華渡里鄉人七世祖紹寧明禮部侍郎與三子鉉鍵鏐同殉勝國之難一嫗一僕匿緇孫滋琪依中表楊氏賴以生因娶於楊實爲鉉之子生六子以少子與楊氏卽高祖刑部雲南司卽中諱綸初冒外家姓後始復焉曾祖諱復高雍正壬子科舉人廣東歸靖鹽場大使累贈朝議大夫曾祖妣徐氏封恭人祖諱基承太學生以恥科舉搜檢之辱終身不思進取足迹不下樓者垂三十年凡書史皆手自抄錄無慮數十百種亦贈朝議大夫祖妣王氏封太恭人考諱世銘乾隆甲午科舉人

行狀

戊戌進士官廣西道監察御史授朝議大夫妣張氏封恭人府君生而穎異幼隨張恭人育於外祖張公景超登鹽場官舍比九歲始歸太學公課之讀輒倍常童年十二三卽就外塾塾師皆奇之十七娶吾母董氏是年侍御公成進士觀政戶曹迎眷屬就祿京邸府君偕吾母侍張恭人暨王太恭人附糧艘北上庀飭井井爲老成所不及既至京師初未有第舍遷徙不常侍御公又以僦值不暇內顧府君晝則部分內外家事夜輒鍵戶讀漏數商不倦居數年侍御公屢出按外獄家事益繁多府君處之裕如誦讀如故也歲庚子辛亥侍御公先後奉太學公及王太恭人諱去官始猶張恭人留居京邸繼以王太恭人憂張恭人亦歸里府君偕吾母處都下

傲所居屋之半取其值以佐薪水凡侍御公交舊之京者皆酬接禮無少缺人咸以此服府君才先是侍御公以府君應北闕若爲同考則不得入遂不預差試府君久不第益遠志經史積十餘年無懈意侍御公以文章爲一代宗匠所在多從游之士四方來者恒假館邸寓哦誦之聲東西舍相徹府君因與共相砥礪凡一藝出必沉精覃思不勝不止同人皆無以尚也戊午夏五月張恭人疾終京邸府君扶輓南歸是年冬十一月侍御公亦歿於官惟吾母及不孝繩萊在京府君聞信卽爲張恭人營兆穴以家累將歸祖居不能悉容又別構屋宇經一月而二事並舉乃星奔入都奉侍御公柩以歸方侍御公未歿時府君以不第故同人皆資之援川楚例

行狀

三

爲知州迨侍御公歿府君痛先人期望之意終以不獲一科爲憾服闋復兩應辛酉甲子秋試卒不得售至是蓋十一黜矣府君喟然曰命也吾亦可以告吾父矣久之新例疊開舊例貴員悉滯不得選府君旣已無餘財自知所遇多不偶因鄉居不更思出幾十年凡侍御公所著皆梓以行世嫁兩女爲不孝繩萊娶婦府君之心力瘁矣歲丁卯吾鄉大饑邦人捐貲以賑餓者府君與同里洪先生亮吉力主之勉咨獎善勸說百端其事終獲以成雖嫌怨交訐羣疑謗集府君不顧也不孝繩萊以戊辰冬自京應試歸復以謀食去之都下得府君選期於選人馳書歸告府君以八月初一日就道去家八日以咯血歿于清江舟次嗚呼痛哉府君早衰鬚鬢盡白

行狀

三

足數患卑濕氣屢藥弗效至是稍便于行不料變生倉卒且在這路間也嗚呼痛哉府君明敏有遠識伉直好面折人過見後生能文之士譽之不容口人恒樂交府君而亦以此多忌之居京師曰有故人高君逋負數百金卒於旅舍府君立召其子至焚所書券反助其喪歸生平喜爲人任事人恒負之如高君焚券事甚衆性純孝遭侍御公張恭人喪淚下盡血衿袖爲赤歸里後常慨不用於世抱志愴愴爲詩宗宋楊誠齋陸放翁寄意深遠中多自傷之意有祇可軒半人集八卷的的詞三卷文集一卷雜錄六卷府君生於乾隆二十六年十一月十五日卒於嘉慶十四年八月初八日年四十有九候選知州例授奉直大夫娶吾母董氏例封宜人甘肅肅

州知州熙女子一繩萊國子監生娶金壇于氏女二長嫁許復昌次嫁劉延和皆同里人孤子繩萊泣血謹狀

祇可軒刪餘稿卷一

武進管學洛午思著

長生巷新居

孫鑾重校刊

居人豈有東長生陋巷何期協美名趙獻室兼歌哭頌太常
廳爲子孫成題門鳳梧岡影舊居先高祖鄰屋鳥非柏府
聲此後易人知幾世定巢聊比谷中鶯

驚從秋水屬遼東木榻穿來夢蝶空新居舊爲華屋山邱雙

眼內桑田滄海一門中烏衣休怪渾無燕卓帽原難更有龍

慚愧旁人誇屋潤青檀誰識舊家風

鴻安新阡

十里松光萬嶺烟墓門剛傍一菴前不愁他日無歸路未必

今表到阡出土石知何代佛

兒孫後事誰能料莫向形家叩萬全

庚申三月上冢遇雨

自有清明節今纔識斷魂紛紛看雨脚點點是啼痕此處通

泉路無方達寢門何心似行客覓酒杏花村

上丹徒鳳頭山馬灣山祖塋

生來四十年始拜墓門前知否家中落還祈澤再延計程才

隔夜廢禮是誰先此後清明節重當設祭田

十月朔上冢

去冢將百里始得傍吾親有石皆成佛土中石多除僧不見

人湖光千頃碧鳥語四時春寂寞空山裏眞堪老此身

掃先高祖比部公墓示兒子

宗支夙蕃衍零落漸無存念及箕裘緒彌滋淚痕幸而完

手澤何以祚衰門一事應含笑墳前六葉孫

五世佳城在差欣松柏完殘碑重起易老屋再支難人拙謀

生計家無本分官慙惶老嫗意猶作盛時看

舊居樓後老柏先曾祖手植百餘年物矣有將從而薪

之者禁之暫止感用前韻

手澤詩書外惟餘老樹存參天數黛色映地帶霜痕見說從

空谷移來傍德門何期百年後尋斧是曾孫

詠史

仲舒策賢良更生上封事災異及外戚語語觸忌諱折檻帝

心動埋輪臣節毅嘉猷雖不納千秋凜凜氣自從鄙夫生寒

蟬空備位

作事期濟事虛名復何爲以死蓋其短無才皆有辭荀息三

立君權豈他人持終焉負獻公氣節稱冠時當其輕一諾已

與大義違不識事與勢取譽類如斯黨錮漢室壞道學趙宋

衰諸公竭經濟匡補將何施成得名士名邦危身亦危

慨彼漢東京風義何其長小人偶爲非姓氏羞彥方黃巾恣

殺戮戒入鄭公鄉頗愛古之時賊亦不尋常

兩漢吏治盛循酷並有聲雉馴德化厚虎去號令明死囚放

仍還夜戶開不局丞相持大體不問都市爭又聞有老吏斷

獄坐大廷繡衣直指出民漸不聊生

人苦不知足得隴又望蜀漢皇承露盤親見銅人哭亞夫眞將軍獲罪竟入獄人事有興衰天道有倚伏好名以名傷鸚鵡芳洲綠好色以色亡綠珠墜金谷

黃鶴樓

倚城百尺上危樓雲白山青漢水浮豈有神仙能不死是誰詩句合長留煙波東是還家路風浪中多待渡舟同一登臨懷抱各何妨崔灑在前頭

晴川閣

龜山之麓白雲西黃鶴何年對此栖高並滕王都入畫名非崔灑漫留題欣看勝境沿江出爲指孤舟向夕迷芳草依然樹無有魚鹽腥裏客情悽

鸚鵡洲

萋萋芳草遍江東一片荒洲落照中自古有才人便忌此生無命賦休工高懷豈肯仇黃祖死友惟應憶孔融身是布衣心漢室幾時立廟表孤忠

江上偶興

江天漠漠草離離雲際峯巒入夏奇爲愛客來三徑外自憐身到五湖遲琵琶爭聽迴燈後鸚鵡誰看筆時南國此行何所得更無游女似風詩

寄內

三月江城破客顏游蹤眞到鳳凰山有人傳說休相憶蓮子花時買棹還

以老屋還再從弟勗之以詩

四十年前事思之大可傷荆難尋舊樹草不夢春塘少日曾傳說於今尚未忘最宜懲覆轍好喜弟兄牆老屋今還汝新居卽故居須知立錫地傳自有生初坐食饑難免呼天誓亦虛古來豪傑士絕少舊田廬

寄懷吳禮石

風貌夫君玉一枝看花中酒過芳時忘情尊歸吳暫得句雲山入晉奇休悵家貧爲客早最難親老出山遲爭梨奪棗須與事雙鬢如今各有絲

寄懷崔雲客

同依講席最情親早貴輸君短小身五馬衝炎馳日下雙旌

寄懷莊傳

冒雨泊江濱淒涼忍說家恩舊嬉笑從譏宦興新爲問西州門外路羊曇勸後更何人

寄懷吳藝榜

一回相見一回悲君在師門到最遲辛苦代書封事夜蒼黃親手蓋棺時家依廡下更番毀路向天涯是處岐莫向青冥嘆垂翅人倫郭泰久相知

工書異數

二難兼兄到公卿弟孝廉假手姓名隨客換濡頭霜雪逐時添從軍已絕籌邊筆酣飲還爭賣字嫌昨向江鄉詢小阮似聞歸計惜遲淹

偶檢舊笥見十年前趨庭授受圖境往時移撫今感昔

題二斷句

秋陰滿院欲涼天問字攜兒上講筵手展舊圖驚昨夢再難身到十年前

一經心事比元成舊物青氍亦有名擬真茅齋似圖書樹根頭聽讀書聲

周宿航先生景范書來垂問出處詩以奉答

修成萬里報公書分付長江赤鯉魚入世豈堪遭再辱避人且說愛三餘漫從治第誇旋馬更有誰門許跨驢賴是力田逢歲稔饑驅猶未出吾廬

與陳樹齋廣衡論詩

我讀古人書如接古人膝殘篇斷簡中生氣各勃勃奮興百

不勝軒餘稿卷一

五

世下代代有豪傑聚集古之人一手一枝筆或大將旗鼓或短兵相接或公子楊裘或美人密室或點睛而飛或九仞猶掘或長江千里或春池自碧離台與悲歡風花兼雪月一一羅胸中奔赴腕下出譬調腕中羹醢醬非一物鯖聚五侯候蜂採百花蜜臂製身上衣豐纖人各別刀尺有定程裁縫間疏密才人須積學不可恃天質賈胡識奇寶有愛不能割眇者矜妙悟顛倒捫篇日皆緣讀書少不自知其失探驪須得珠擒虎須入穴區區獵祭功終非制勝術古人有彩毫我欲從之乞乞來持贈君與君結膠漆

喜雪

連年無雪過三冬今喜漫天瑞氣濃敢說胸中憂樂大硯田

初不屬春農

寒雀

蠟色梅開臘月天依簷凍雀縮如拳忽然飛落枝頭雪歲暮驚心又一年

人載船

日夜分兩班載人不載貨肩駢更踵接許坐不許臥曾是同舟人共濟出無奈

短盤驢

一日易數驢一驢數十里不煩客問途到站驢自止安得任事人急公盡如此

看店

不勝軒餘稿卷一

六

龜衣大車啞幹僕馬先走紅旗插店門上房占前後獨客莫與爭馬鞭猶在手

和趙區北先生翼詠物四首

蓮蓬人

鉛華洗盡粉紅飛換取西方壞色衣觀已漸空偏着相心爲誰苦竟何依泥塗甲子離榮辱風雨秋宵起是非傾蓋勿愁同調少有人蓬葆坐苦磯

鯨魚鶴

無端化鶴比登仙樽俎風流得寵偏掉尾幾時重到海長鳴何日始聞天腹中尺素他生果頂上丹砂意外綠羽翼垂成翻失水漫隨兒女戲筵前

掃晴娘

運帚揮思掃碧空，蹁躑雙袖舞迴風。誰知覆雨翻雲外，又有描頭畫角功。剪紙心靈誇少女，策勲掌故拜兒童。可憐如許迴天力，卻在纖纖玉手中。

不倒翁

扮出癡尊貌，老成推排兒女不容情。團團陳迹由來慣，袞袞諸公見顧輕。豈是無能從失足，也應有恨只吞聲。一生灑脫供游戲，此老何嘗與世爭。

少年行

少年樂無限，事事較人早。墮地衣錦繡，堆前滿梨棗。讀書與學書，一日便了了。身世萬千境，陟歷俱草草。秋風鬪蟲春

祇可刪餘稿卷一

七

風弄春鳥盧雉拍手呼，肯畏袁彥道聲勢倚錢神。千金性命保官情，偶然動平地謁蒼昊。嗟哉陶朱公，少子抱中寶。所請無不從，惟愁難得老。

舊宅

巍巍高門樓，先世皆大官。子孫炊無薪，尋斧先闌干。大厦傾未盡，空堂停父棺。富時求吉地，貧後一抔難。歲月不可紀，多年死人乾。婚嫁在屍旁，骨冷人自歡。兄弟互相讓，當作閒田看。一夕隣家火，旁人爲辛酸。

新塚

宣陵漢孝子，竊伏墟墓間。今人意彌苦，慎終擇牛眠。高談沙水龍，太陽須到山。前後左右中，丁財福壽全。千金酬地，

爾散如煙，其言驗不驗。要在數十年，十年人事改。知否誰在漢，寢又唐陵俱。隨秋草萎，始皇驪山下。郭璞江心裡，試看彼二人勢，術兩無比。

蚊

憐汝水草軀，飛而食人肉。百千輩爲羣，酣嬉恣厥入。夜陣初結，凌秋喙彌毒。求食嬰其聲，得飽歸其腹。壯士無如何，天奚生此族。蠶向繭中藏，蚤從席下伏。惟蚊百無忌，歌舞入帷幕。小人得意鳴，往往不自覺。蠶粉一掌輕，貪心終被戮。

先人官京師，日闢小齋題曰讀雪山房。余歸既買莊氏

宅，以居。因搆數弓地，築室三楹，仍顏舊額。愴然有作，烏衣書屋已無存。重閣蕭蕭，齋記劍痕身後文章，雖蓋代年來

祇可刪餘稿卷一

八

裘展不登門，苟完自了。今生事小，住知他幾葉。孫免向高樓感風雨，且攜冰雪此中論。

癸亥清明掃墓舟中作

舟緩延山色，橋多束水聲。岸花春得地，野鳥夜呼名。菜把聊成市，魚鮮早上城。爲安先世兆，曲意結鄉情。

和人七夕

鵲橋是否渡河來，佳咏輸君犯斗才。我向雙星無所乞，自陳瓜果自銜杯。

七夕詠懷

乘槎無分到天邊，往事空拋問卜錢。多病自憐虛此夕，占星何幸又豐年。閒將書向庭中晒，倦把牀移露下眠。處處有詩

題不盡瑤陰蟋蟀柳陰蟬

又見

後來又見積薪如好笑黔中技癢驅我比季鷹差計早在家
免得憶鱸魚

戲題劉龍洲指印詞後

宵來搔背最殷勤指印還添幾線紋最是鳳仙花染處新痕
又長二三分

錢竹初先生集為繪南北讀書山房二圖並系以詩

謹各題二律卽以奉謝

北讀書山房

隨侍京師日三題得敝廬坐當封事夜愁向執經餘愛客無

九

懸楊燕山有書書一生心力在長望子孫居

爲挹西山爽閒時便倚闌藤陰清暑氣竹影漾春寒檻石堪
題酒庭花是合歡此身難再到長向畫圖看

南讀書山房

白雲長在望親舍竟何存士失高山仰家餘映雪痕拙鳩思
出谷凡鳥待題門結構分南北終難一概論

乞取遺文序今遠筆墨香情雖憐子固心自許君房再向茅
齋過爲開畫境長隨身攜老屋展卷認微茫

遊仙

忽從石畔遇仙眞熊子重來味夙因自此便成仙世界出山
都是爛柯人

明明白日便騰空丹鼎淮王最有功三十三天容不得盡招
雞犬到雲中

不敢欺人五百年用心如此合成仙後來怪道眞仙少但點
黃金慰目前

無端風雨日交加過盡三春未有涯安得道人殷七七爲開
頃刻滿園花

奉酬陳澍齋見贈之作

好士今無六一賢用東坡句重游京國望誰憐半生不第同羅隱
前路登樓擬仲宣詩好亦關名世數官高能有幾人傳卻慚
五柳先栽就難定淵明出處年

舟行風雪回寄家人

十

連日狂飈撲面迎打窗一路雪花明書回應被家人笑天亦
留君緩緩行

不愁寂寞在長途畫境天開伴客孤從此吟情應更遠居然
風雪入京圖

連日雪飛兩岸玉立舟行其間甚爲可愛

舟人都帶鸛鵲容蒼笠還思獨釣翁老矣如今裴叔則行來
仍在玉山中

古意

王道本人情哀矜無喜色聖人本人情出入從小德子思去
其妻生便嫁衛國歐陽銘范文母嫁不諱飾經經始何人天
地爲之窄

燕齊道中雜詩

只聞車鐸不聞鶯，節序年華冉冉驚。老向諸侯初作客，時來
賢子早成名。樓臺芳草青猶嫩，著雨垂楊綠尚輕。不免臨風
暗惆悵，故園明日是清明。

得家信知將嫁女却寄家人

爲籌婚嫁幾徘徊，音信封完却又開。兒女長成非好事，朱顏
欲去白頭來。

甲子別貢院作

鐫詞遙拜墓門梅，落過孫山十一回。此地卽今成大去，他生
有我或重來。六州枉鑄無窮錯，五日誰燃就死灰。畢竟論文
還論命，不勝欲別又徘徊。

清江漫興

庸中鉸鉸鐵錚錚，建節東南仰大名。碧海驚波臨岸去，黃河
秋漲與堤平。新來喜怒三吳震，舊說忠清兩袖輕。江左風流
知未遠，如今絲竹是蒼生。

淮海雜詩

記得登舟月正圓，到來殘魄已娟娟。故人倘問遊何處，獨樹
淮邊水上船。

看雪

更無人處酒杯寬，脩竹旁邊翠袖寒。風調平生應不乏，雪花
獨自倚闌看。

櫂櫓

于回味美向曾誇，酒渴拈來暫當茶。圍住一燈聞笑語，有人
拈核放蘭花。

牡丹

天然脂粉不須施，消得當年宰相詩。一事替花無別法，正當
開處雨來時。

春日漫興

柳色依依又上樓，難忘王粲曩時遊。少年曾羨才如錦，老大
方驚相不候。漫向山中編甲子，敢從皮裏著春秋。如今血性
都無用，呼雨呼晴且聽鳩。

春光依舊各情非，一枕春醒晝掩扉。有過漫懷蓬伯玉，無官
空憶尹翁歸。風前歌吹鶯聲滑，院落繁華草色肥。似此空山

原住得緣何惆悵，壯心違。

三徑新開，忽便荒手栽松菊。關池塘抱花歸，訝蜂腰重帶雨。
飛憐燕尾忙，習鑿齒偏身有病。賈長沙亦策難良人，問哀樂
關何事。青鏡中年鬢已霜。

春寒連日雨，翻盆新笋綠。雷逐竹根未便變，名居藥市儘容
大嚼。過屠門，淮王丹鼎仙雞犬，疏傳田廬長子孫。屋漏中宵
無補法，移床聊記去年痕。

祇可軒刪餘稿卷二

武進管學洛午思著

孫樂重校刊

丙寅清明日詠風爭

一紙身輕欲上天居然響到白雲邊羣兒競仰風前面入夜
時騰火色肩中路最宜防手脫高飛無奈被繩牽能消幾度
清明過爾許鵬程亦可憐

遣懷

雲邊隱隱轉雌雷贏得春陰長綠苔早非晚松清福有朝經
暮史白頭來偶過蔣逕思羊仲欲上燕臺弔郭隗侍立小童
殊解意晚晴墻角報花開

惜花

柳邊烟雨屋邊鳩做得春光冷似秋捲地落花花不恨倚闌
人卻替花愁

漫興

同著祖生鞭何人不我先鼎湖龍去歲華表鶴歸年未仕黠
還三無名佛自千閑門車轍少頭自自家憐
昔在長安日何知路有義問雞容我舞題鳳任人誇正入三
刀夢翻歸五柳家江南春雨夜百草並萌芽
湖海成何事元龍氣尚豪八叉新句好百尺舊樓高誰遣天
邊雪來添頰上毫少年從此去對鏡首空搔
色香雖已過觸法尙如初緣愛閒階草紅憐淺沼魚難捫王
猛蚤想跨放翁驢高臥生多病天教閉戶居

祇可軒刪餘稿卷三

祇可軒刪餘稿卷三

三徑又重開何人共翠杯通家誰識我貧客有時來帶雨花
疑病垂簾燕欲猜出門無去處屢齒上蒼苔

緡遍六朝史清談亦可懷蒼生何必繫子弟欲其佳憔悴三
眠柳官私兩岸蛙一生能著幾蟻屐坐蕭齋

去家將百里邂逅得牛眠石古都成佛松高欲起煙僧歸芳
草外山倚夕陽邊痛哭龍岡路何年始表阡

舊住烏衣宅如今事事非野蛇當戶臥叢草占墻肥大厦楹
先去斜陽燕不飛最憐臣叔老子死自啼餓

每歎功名際賢豪意亦耽登山羊太傅刻石柱征南豆戀槽
邊馬絲僵箔上蠶倘逢稻叔夜未必尙能堪

千古幾憑弔何時懷抱開英雄皆少賤寒士有奇才趙氏連

城返燕臺馬骨來生前勢與富蓋可忽乎哉
蹉跎竟如此那復似佳人年老漸成怪心食不救貧向前歧

是路居上積成新癡絕夷門客無端自殺身
幾曾分閒氣萬物一秋毫小愧王懷祖長思謝法曹奇談兵

使鶴怪事賊偷桃慎守吾家寶青蓮與佩刀
長日憑誰遣無聊漫擊箋暗香美白石殘照李青蓮爭兒庭

間竹房壺岸上船菜根園自有咬得過年年
自上下大牀臥人來不啓關鳥聲眞率漏棋局爛柯山酒悔通

遣懷

身病朱思舊日顏信天翁亦活差比白鷗閒
盆藕抽新葉田田正可憐心難平似水磨偏大於天在世終

思出爲人未定傳，東家法好本楊。又將穿雨過天如洗，花香草亦香。客因尋舊倦，家自護雞忙。拆機材從短，驅牛塵要長。人間無用處，箇字有冬郎。

贈徐泉初

準宜

頭白心還壯，狂遊到處偕。周郎能顧僕，方朔善詆題。字汚羅袖傳，杯濕錦鞋。江南春雨好，小住亦殊佳。

偶感

我到如今始欲愁，離鄉已作幾年留。雪泥江左烏衣宅，風雨溪南舴艋舟。憶友祇同千里月，看花自領一家游。邱園肥遯，髀生肉何事雄心不肯休。

讀晉書二首

不復刊餘舊

清談今日我還能，經籍天然上下乘。見自水中終惡蠚，化從春後尙憎鷹。過江名士都如玉，倚嘯英雄却愛僧。最憶當年羊叔子，閒攜賓從峴山登。

依依楊柳又三春，何處高樓不起塵。未必驚龍滅懷祖，要防鼠子誤嘉賓。山河風景新亭外，人物衣冠曲水濱。江左夷吾殊可笑，書空舉扇笑陳陳。

春感

烏鵲南飛可奈何，人生對酒幾回歌。斜陽燕子春光淺，細雨閒花客思多。書愛亂堆隨手看，墨嫌頻斷兩頭磨。圍棋不賭東山墅，映取疎簾有爛柯。

讀晉幼安傳

虛館黃初道路通，封還贈物別遼東。隨身四海無他帽，見尾人間只一龍。歸日客臣居草莽，老來有子拜郎中。揮鋤客遜司徒位，不媿從遊陳仲弓。

讀晉公明傳

劇憐粗醜少威儀，嗜酒從人並愛之。聖籍料來都讀破，家雞那許獨知時。斷流不逐同漁父，畫地頻驚共戲兒。官舍從親年十五，便傳布筆斐然詞。

自述

風調平生顧影憐，少曾乘馬老乘船。從教損益都爲友，難免瑕瑜並入篇。拍案不離妻子外，搖頭直到古人前。才疎志大終何益，防着神仙破爾禪。

不復刊餘舊

四

今日方知自待輕，讀書讀到百無成。談何容易傳千古，好在糊塗過半生。燕玉漫誇能煖老，吳船最好是閒情。當前快意人休勸，不破關頭定不明。

壽趙甌北先生卽步其八十自壽原韻之一

搖頭容客話更關，燕雀因思賀鳳鸞。後輩要師前輩易，今人親見古人難。換他麟閣書兼輛，富過封君竹萬竿。再壽十年應更好，詩成字字解頤看。

和吳禮石 五十自壽原韻

是誰解咏麴爲塵，伴我江南過好春。早韭晚菘三四把，冰清玉潤一雙人。登龍門客多佳話，出爛柯山是宿因。見說樓邊花並好，可能憶著臥雲身。

新來硯亦是閒田我病君貧一樣天敢道胸懷如海關或困
姓氏待兒傳書驢券就從教賣畫餅名高不值錢防著風波
平地有河邊加意問長年

陸氏門前草正長如君輩者幾莊荒青瓊賊亦憐家世白髮
天教住故鄉想到西湖弔蘇小便沾春酒上餘杭笑君渾似
啣泥燕客裡雙雙宿畫梁

占雨占晴日暮虹常聞天道似張弓池魚難避殃時火狗尾
能矜續處功倘問此間休道樂若論前事我差工莊生蝴蝶
盧生枕一在花中一客中

責兒一首

生兒如此豈能賢欲責還憐病一年信手晴窓書扇錯偷閒

花逕挾詩眠

春暮

幕巢燕子草栖塵風景江南正暮春過我向來無此客與卿
差近是何人桃花流水仙山路野鴨驚鵲風世因為著當爐
病消渴相如負盡不負身

贈畢焦麓

酒

並乞畫振衣千仞岡濯足萬里流兩圖

少時未向先生拜不識先生先識畫歸來始入先生屋未見
先生先見竹米家畫舫去千年不斷雲山在眼前先生有筆
如屈鐵萬里煙巒起毫末虬枝古幹龍鱗紋淋漓大筆羊欣
裙先人舊壁挂一幅無數詩人題不足昨又書我秋齋頓連
奪泉初徐君魯斯伯明席能事向不受迫促今番落墨何神

速時賢愛與阿戎遊先生降尊毋乃辱從今休怪重饒舌昨
日新練已裁裂振衣濯足兩張圖肯為狂奴畫也無

題畢華農

詞成

詠史詩後

天地洪爐日月梭東流晝夜有江河六經以外全書少千古
而還恨事多病忌醫無膏艾良材遭斲尚尋柯只應閉口
從旁看休為他人喚奈何

高岡有鳳少梧桐志事消磨兩鬢中老吏漢廷空斷獄陳詩
太史待觀風君家處士星雙朗詞畢焦世澤名山業並崇各
挾不平鳴不已人間我亦一秋蟲

從軍引

時平難封侯天地出新局非關爭霸王苞孽生楚蜀事起倉

不勝刪餘稿

六

猝聞大府手俱束揆厥所由來初亦非莽伏其始奉佛仙燒
香漫祈福其繼黠桀徒聚歛實貪腹蔓久遂惑眾師弟列名
目王法有厲禁此輩宜即戮州縣初喜事株連速之獄又緣
畏吏議不敢竟其贖民知官難為無忌益肆毒

大府擁節麾威嚴誰與比旌旆麾轅門鼓聲日三起官黜由

一怒官遷由一喜文吏不敢揖武夫見必跪一夕聞變亂食

頃三遺矢雷厲發兵符仰屋失箸七賊來有多少賊去此幾

里消息半假真忽忽四出使賊在千里外此間已登雉賊未

擒一人書功已滿紙粉飾甘泉奏觀美而已矣

前聞海蘭察發矢必洞札銜枚馬徐行賊至方許殺半生在
戰場百陣無一失後來將帥徒師出不以律難關戀其栖豚

放忘其並有利無不往臨難且求活同袍義已乖執爰氣潛
奪兵來深山藏兵去深山出官人皆有命誰肯探虎穴

揚州雜詩

小東門外泛輕舸爲訪風流廿四橋明月依然杜郎老憑欄
悵悵玉人簫
匆匆時節又重陽結伴登高士女忙十里珠簾無問處傍花
村外見紅粧
一路樓臺久不脩金風瑟瑟荻蘆秋詩流酒戶誰千古趁著
生前自放舟

謝揚州太守伊墨卿

秉綬

爲題南北讀書山房圖額

揮毫對客肯徐徐風雅還如在石渠君見古書無不愛他年

人定寶君書

七

人定寶君書

揚州雜感呈趙味辛

懷玉

先生

社燕言歸客尙留薄綿取次換輕裘中年家落誰青眼早歲
官高少白頭最憶孔融會薦劇憐王粲又依劉遙天不假
風帆便久繫東南萬里舟

看菊有感

今年客裡過重陽也有名花伴舉觴菊會傲霜儂傲菊未秋
時已一頭霜

題呂仙祠

一半荒唐一半真幾回度世到紅塵先生莫便輕誇口也是
曾經做夢人

濟南唐芷隣

佩綸

余童穉交也以遊過我留舍數日贈

之以詩

童穉情親四十年白頭故我尙依然從教靈運先成佛不信
進王果得仙失路幾人懲覆轍倦遊且自整歸鞭相逢他日
知何處記取江南聽雨眠

錢野余

伯明

處士爲母夫人稱九十壽詩

韶光爛漫正三春七袞兒娛九袞親天外玉桃方朔幻鄰前
班綵老萊眞開門不拒求書客名士都爲拜母人較勝米家
船上月萱花長映少微身

連日譙集近園卽席呈洪穉存

亮吉

太史

東風易主始經過挈伴簪裾狎薜蘿便恐煙霞遂成癖花時

載酒醉時歌

八

樽前爭量句爭妍舊逕低徊憶往年但使園林容客醉便非
我有亦欣然

讀說部雜記

從遣侏儒有短長較量饑飽笑東方殷勤青鳥西飛去送過

周王又漢皇

蔡文胡笳卓女琴一回彈着一沈吟祇應喚取虬髯起爲問
何人最負心

歷歷雙星映井梧拙憐烏鵲巧憐蛛試將雲錦論工價抵得

黃姑舊賈無

流滯江湖一點萍爛柯山下早曾經神仙見事何其晚熟到